

الفصل الحادي عشر

ازاي اعرف احل المشاكل



einstein

كان في مشكله صعب تلاقيها حل ؟ لو كده، اوصف المشكله و الحاجات اللي عملتها عشان
تحاول تحلها....



نصائح البيرت لحل المشاكل



لو في مشكله قابلتك و مكنتش عارف تلاقيها حل، ممكن لما تستعمل نصايحي تفكر في المشاكل بطريقه تخليك تلاقي نتايج ايجابيه.

انا قسمت طريقي لجزئين :

1 تعليمات عامه

2 خطوات محده

تعليمات عامه

- اختار حد يساعدك تحل المشكله
- حدد وقت و مكان لمناقشة المشكله و حلها مع الشخص اللي اخترته
- اتأكد ان مفيش حاجه تزعجك و انت بتتناقش .. زي التليفزيون
- اتناقش في مشكله واحده بس كل مره
- لو المشكله كانت كبيره، قسمها اجزاء صغيره و ناقش كل جزء لوحده
- وضح المشكله بالظبط و ركز عليها .. بلاش كلام مش مفهوم
- و خلي كلامك مختصر
- خلي مناقشتك ايجابيه بانك تركز ازاي تحل المشكله مش تفكر في مين السبب فيها
- خليك فاكرا دائما ان المشكله هي اللي بتخلي الحياه صعبه مش الناس
- اعترف بمسئوليتك في المشكله و حدد غلطك كان ايه
- حاول تفكر في حلول كتير علي قد ما تقدر .. متقلقش لو شويه من الحلول دي كانت مش غاديه او عريبه في الاول
- استني لحد ما تكون فكرت في عدد اكبر من الحلول علي قد ما تقدر قبل ما تفكر و تشوف هي صح و لا غلط
- احتفل بنجاحك لما تحل كل اجزاء المشكله



خطوات محددة

١. حدد المشكله بوضوح و باختصار :
ابعد عن توضيح المشكله بشكل سلبي او مش مفهوم او طويل. زي مثلا :

" انا عايز اقلل من خناقي مع اخويا "

ده توضيح سلبي عشان بتقولك ايه اللي انت مش المفروض تعمله (تتخايق) بس مش بتقولك تعمل ايه. سهل توضيح المشكله بشكل ايجابي. ركز علي اللي انت هتعمله لما المشكله تتحل. زي مثلا :

" انا عايز احسن علاقتي باخويا "

لما توضح المشكله بشكل ايجابي، ده بيساعد اننا نلاقي حلول ايجابيه.

٢. فكر في اكبر عدد من الحلول علي قد ما تقدر :
فكر من غير ما تقلق من اي حاجه وصلت لها حتي لو كنت شايفها غريبه. الحاجات الغريبه اللي مش عاديه ممكن توصلك لطرق بارعه لحل المشكله.
في ناس شايفه انه مفيد انهم يكتبو كل الحلول الممكنه في ورقه عشان يبقو فاكرين كل الافكار

٣. اكتشف ايجابيات و سلبيات الحلول اللي فكرت فيها :
لما تخلص تفكير في كل الحلول الممكنه، فكر في مزايا و عيوب كل حل وصلته

٤. اتفق علي خطه تنفذها مع الناس اللس بتساعدك :
بعد ما فكرت في المزايا و العيوب لكل حل، اختار افضل الحلول اللي انت شايفها مناسبه و
اتفق علي خطه واضحه تنفذ بيها الحل اللي وصلته

٥. نفذ الخطه :

الخطه مش هيبقي ليها لازمه الا لو نفذتها

٦. شوف انت اتقدمت قد ايه :

المشاكل الصعبه بتاخذ وقت و احيانا بتحتاج تحاول كذا مره قبل ما تقدر تحلها. عشان كده
مهم اوي انك تشوف انت اتقدمت قد ايه و انت بتنفذ الخطه. المفروض تعمل كده مع
الناس اللي ساعدتك و انت بتفكر في الحلول.

٧. راجع خطتك الاصليه :

متستسلمش لو الخطه محلتش المشكله من اول محاوله. راجع الخطه الاصليه و فكر في
التعديلات اللي ممكن تعملها في المحاوله اللي بعدها. متديش لنفسك وقت صعب للحاجات
اللي مش هتنفع تتحل بشكل كويس.

٨. احتفل بنجاحك :

احتفل باللي انت وصلته سواء حلّيت المشكله بشكل كلي او حتي جزء كبير منها

٩. ركز علي التغييرات الايجابيه اللي عملتها :

اوعي ترجع للطرق القديمه اللي سببت المشكله. خليك دايما مركز علي الحلول الناجحه



هقولك ازاي واحد صاحبي بدا
يستخدم طريقتي انه يحل مشكلته
اللي هي انه معندوش شعبيه من
الناس اللي في مدينته لما حب يشرح
نفسه يبقي عمده للبلد.

مصاص الدماء دافي – العمده



دافي مصاص دماء و عايش في البلد (فالكون) بقالو 327 سنه. حب البلد اوي من كتر المده اللي قضاها فيها لدرجة انه حب يرشح نفسه يبقي اول عمده مصاص دماء.

بس للاسف هو مش معروف و ملهوش شعبيه عشان هو مصاص دماء، و في الانتخابات اللي فاتت خد صوتين بس. و هو كان عارفين ان الصوتين دول، واحد بتاعه و الثاني بتاع ايجور الخادم اللي عنده.



دافي عرف انه مش هيقدر يحل المشكله دي لوحده، و قال ل ايجور يساعده يستخدم نصايح البيرت عشان يحل المشكله.

الاول قراو التعليمات العامه. قعدو مع بعض و وضحو مشكله دافي اللي هي

" انا لازم ازود شعبيتي مع اهل فالكون علي امل
ان ناس منهم تديني صوتها في انتخابات المره الجايه "

و بعدين فكرو في اكبر عدد من الحلول الممكنه اللي هنقولها دلوقتي. فكر في مزايا و عيوب كل حل وصلوله.....



الحاجات السلبية التي هقتل منها ...

- اقضي وقت اقل مع الخفافيش و مخلوقات بالليل
- ابطل اعض الناس في رقبته
- مقضيش يومي كله في السرير
- ابطل احط الجراد للفلاحين في محصول الثوم بتاعهم
- ابطل اسيب الكلاب علي الناس اللي جايه تزور قلعتي
- مضحكش ضحكه شريره
- ابطل اجمع الناس علي العشاء
- مفكرش في اني احسن من الكل عشان هعيش علي طول

الحاجات الايجابية التي هكتر منها ...

- اخرج اكثر في وقت الصبح
- ادي فلوس كتير للمدارس و المستشفيات
- اتعرف علي ناس اكثر .. مش ايجور بس
- اساعد النجارين
- اساهم في عمل خيري
- اظهر في التلفزيون
- احرر العبيد اللي عندي في القلعه
- اتصاحب مع الناس اللي بتصطاد مصاصين الدماء

دافي و ايجور قيمو مزايا و عيوب كل اقتراح.
و عملو خطه واضحه ينفذوها و وقت منتظم

في الاول في ناس متقبلتش التغييرات اللي حصلت
ل دافي بس واحده واحده خدو عليها. دلوقتي دافي
عنده امل ان اكثر من اتنين هيدولو صوتهم في
الانتخابات الجايه ...

ازاي تحل مشكله

فكر تاني في المشكله اللي وصفتها قبل كده، و استخدم نصايح البييرت :

الناس اللي هيساعدوني هما ...

هنتقابل عشان نحل المشكله يوم ...

بعد ما راجعنا التعليمات العامه و الخطوات المحدده
نقدر نوصف المشكله بوضوح انها

الافكار و الاقتراحات اللي وصلنالها هي



كزايا و عيوب الاقتراحات هي

الحلول اللي اخترنا ننفذها هي

الخطه اللي هنفذها هي

هنشوف تقدمنا يوم

تعديلات الخطه هي

هنحتفل بنجاحنا اننا



بعد ما خلصت الجزء ده من الكتاب، اعتقد ان اهم حاجه عن حل المشاكل هي :

